

**Z A K L J U Ć A K**  
**O PRIMANJU K ZNANJU INFORMACIJE O ANALIZI EFEKATA**  
**PRIMJENE ODLUKE VLADE FEDERACIJE BOSNE I HERCEGOVINE**  
**O OGRANIČAVANJU CIJENA SNABDIJEVANJA ELEKTRIČNOM**  
**ENERGIJOM**

Na osnovu člana člana 153. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20) i člana 144. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20) Parlament Federacije Bosne i Hercegovine je, na sjednici Predstavničkog doma održanoj 09.03.2022.godine i na sjednici Doma naroda održanoj 24.03.2022.godine, na prijedlog Vlade Federacije Bosne i Hercegovine, donio

## ZAKLJUČAK

1. Parlament Federacije Bosne i Hercegovine prima k znanju Informaciju o analizi efekta primjene Odluke Vlade Federacije BiH o ograničavanju povećanja cijena snabdijevanja električnom energijom (“Službene novine Federacije BiH”, broj 3/22) (zahtjev JP „Elektroprivreda BiH“ d.d. - Sarajevo za odobrenje nastavka rada Bloka 4 u Podružnici Termoelektrana „Tuzla“, Tuzla i Bloka 5 u Podružnici Termoelektrana „Kakanj“, Kakanj).
2. Parlament Federacije Bosne i Hercegovine podržava pokrenute aktivnosti od strane institucija Federacije Bosne i Hercegovine i Bosne i Hercegovine (Ministarsva vanjske trgovine i ekonomskih odnosa) u pogledu produženja rada Bloka 4 u Podružnici Termoelektrana „Tuzla“, Tuzla i Bloka 5 u Podružnici Termoelektrana „Kakanj“, Kakanj, odnosno traženje prema sekretarijatu Energetske zajednice o izmjeni statusa pomenutih blokova, tako što će se isti, iz „OPT-OUT“ liste, uključiti u Nacionalni plan smanjenja emisija za Bosnu i Hercegovinu (NERP BiH), a čime bi se produžio rad predmetnih blokova do 01.01.2028. godine.
3. Parlament Federacije Bosne i Hercegovine odobrava nastavak rada Bloka 4 u Podružnici Termoelektrana „Tuzla“, Tuzla i Bloka 5 u Podružnici Termoelektrana „Kakanj“, Kakanj, kako bi se osiguralo nesmetano snabdijevanje električnom i toplotnom energijom, što se osigurava radom ovih blokova.
4. Parlament Federacije Bosne i Hercegovine zadužuje Federalnu upravu za inspekcijske poslove da sedmično saopćava javnosti informacije o inspekcijskim nadzorima koji će sadržavati podatke o imenima privrednih subjekata koji su kršili odluke Vlade FBiH u vezi sa propisanim maržama za životne namirnice i naftne derivate, kao i o visini izrečenih kazni prema Zakonu o kontroli cijena u Federaciji Bosne i Hercegovine. To se odnosi i na inspekcijske nadzore od 15.2.2022. godine do 9.3.2022. godine.
5. Parlament Federacije Bosne i Hercegovine traži od Vlade Federacije Bosne i Hercegovine da u roku do 30 dana dostavi Parlamentu Federacije Bosne i Hercegovine informaciju o statusu realizacije projekata izgradnje zamjenskih termoblokova (Blok 7, TE Tuzla, Blok 1, TE Banovići i Blok 8, TE Kakanj), čija je izgradnja planirana važećom

Okvirnom energetsom strategijom Bosne i Hercegovine do 2035. godine. Informacija treba da obuhvati nivo implementacije projekta, mogućnosti njegove realizacije, odnosno za koji projekat je izvjesno da se neće realizirati i iz kojih razloga.

6. Ovaj zaključak stupa na snagu danom donošenja i objavit će se u „Službenim novinama Federacije BiH“.

**PF BiH broj: 01-02-485/22**  
**Sarajevo, 24.03.2022.godine**

**PREDSJEDAVAJUĆI**  
**DOMA NARODA**  
**PARLAMENTA FEDERACIJE BIH**

**Tomislav Martinović**

**PREDSJEDAVAJUĆI**  
**PREDSTAVNIČKOG DOMA**  
**PARLAMENTA FEDERACIJE BIH**

**Mirsad Zaimović**